

SKRIFTLIKE FRAGEN, ex artikel 41 Reglement van Orde

Rjochte oan DS / lid DS	Klaas Fokkinga / Douwe Hoogland
Ynliedende taljochting (fakultatyf)	<p>De FNP hat fan it winter in besite brocht oan it projekt 'agraryske grienstasjons' fan it agrarysk kollektyf ELAN yn Súdeast-Fryslân. Oant 2017 ta die ELAN in proef wêrmei't blêdeguod, snoei- en oar natuerlik grienôffal op it hiem fan boeren yn de direkte omjouwing ferwurke waard ta kompost (<i>CMC of Bokashi</i>).</p> <p>Dat materiaal kin wer as dongstof op it lân brûkt wurde, om dêrmei de kwaliteit fan de boaiem te ferbetterjen. In grut foardiel fan de grienstasjons is de koarte kringloop, wêrby lokale ôffalstoffen brûkt wurde en der hast gjin ferfiersbewegingen nedich binne. Pilots mei grienstasjons binne der bûten Súdeast-Fryslân ek (west) yn De Fryske Marren, Skylge en Kollumerlân.</p> <p>De proef yn Súdeast-Fryslân is lykwols yn 2017 ta in ein kaam, omdat de boerebedriuwen dy't oan de proef meidienen as ôffalferwurkers kwalifisearre waarden en dêrmei oan deselde wetten en regels foldwaan moasten as grutskalige yndustriële ôffalferwurkers.</p> <p>De FNP fynt dit tige spitich, omdat it werbrûken fan skjinne ôffalstreamen as grûnstof en it lokaal ferwurkjen moai yn de kringloopgedachte fan lânbouminister Schouten past en krekt stimulearre wurde moatte soe. It projekt fan de grienstasjons soe wer opstart wurde moatte en ek op oare plakken tapassing fine kinne.</p> <p>Der binne in hiel soad wetten dêr't de grienstasjons tsjinoan rinne. Fan de <i>Wet milieubeheer</i> en it <i>Activiteitenbesluit</i> dêr't yn stiet dat der maksimaal 600 m³ biomassa oanwêzich wêze mei op it hiem. De <i>Vrijstellingsregeling plantenresten</i> bepaalt dat meansel fan maksimaal in ôfstân fan 5 kilometer komme moat. Ek de <i>Meststoffenwet</i> is net kringloop-proof yn dy sin dat grienrest-streamen út de omjouwing as dongmiddel meitelt wurde foar de dongboekhâlding. Fierder moatte de grienstasjons fansels rekken hâlde mei de regeljouwing op it mêd fan romtlike oardering en wetter. Dy regeldruk, wêrby't ek noch ferskillende oerheden (ryk, provinsje, gemeente en wetterskip) foech hawwe, makket it foar ûndernimmers dreech om mei te dwaan.</p> <p>Boarnen:</p> <ul style="list-style-type: none">• ELAN Zuidoost-Friesland, www.elan-zofriesland.nl;• Wet Milieubeheer, Activiteitenbesluit, Wet bodembescherming, Vrijstellingsregeling plantenresten, Wet ruimtelijke ordening, Meststoffenwet, Besluit Gebruik Meststoffen
Fraach / fragen	<ol style="list-style-type: none">1. De provinsje Fryslân hat earder proeven mei grienstasjons stipe. Gemeenten en de Universiteit fan Wageningen wienen ek belutsen by dizze gearwurkingsprojekten tusken agraryske natuerbehearders, gemeenten en it Wetterskip. Is de provinsje op de hichte fan de lêste stân fan saken mei

	<p>de grienstasjons, de inisjativen om kompost te meitsjen op it hiem fan de boer?</p> <p>2. Hoe stiet it kolleezje tsjinoer dy gearwurking fan partijen yn de grienstasjons? Is it kolleezje it mei de FNP iens dat mei it each op de kringloopgedachte it lokale gebrûk fan restgrienstreamen krekt stimulearre wurde moatte soe?</p> <p>3. Is it kolleezje ree om de gearwurkingsprojekten dy't troch de regeldruk fêstrûn binne, wer op gong te helpen?</p> <p>4. Kin it kolleezje de grienstasjons helpe om de regeldruk omleech te krijen, bygelyks troch:</p> <ol style="list-style-type: none"> a. de eigen regels oer ôffalferwurking, miljeu, romtlike oardering, ensfh. en de fergunningliening ienfâldiger te meitsjen? b. de gemeenten en it Wetterskip te freegjen itselde te dwaan? c. der by it Ryk op oan te trunen om de regels dy't it ûnnedich dreech meitsje om lokaal kompost yn grienstasjons te meitsjen oan te passen? <p>5. Wol it kolleezje dêrby oparbeidzjen mei de inisjatyfnimmers fan de grienstasjons, dy't ommers presys oanjaan kinne tsjin hokker regels sy oanrinne?</p>
--	--

Yntsjinner(s)	(fraksje / namme / hântekening) FNP Wopke Veenstra
---------------	--

Datum	2 july 2020
-------	-------------